

समे – 12:25

<><><><><>

PM-MKB

प्रधानमंत्री नरेन्द्र मोदी होरें डिजिटल अरेस्ट कन्नै सरबंधी धोखाधडी पर डूगी चिन्ता जाहिर कीती ऐ। अज्ज आकाशवाणी पर प्रसारित अपने मन की बात कार्यक्रम च मोदी होरें आक्खेआ जे जांच अजेन्सियां राज्य सरकार कन्ने रलिए इस पेठा कम्म करा र दियां न तां जे नेई धोखाधडिएं गी होने थ्वा रोको जाई सकै। उनें गलाया जे कन्नू मूजब डिजिटल अरेस्ट सरबंधी कोई प्रावधान नेई ऐ। प्रधानमंत्री होरें डिजिटल सुरक्षा आस्तै त्रै उपाएं दी चर्चा कीती। एह उपा न—रुको, सोचो ते करो। प्रधानमंत्री होरें लोकें गी आक्खेआ जे जेकर कोई नेहा मामला सामने ओन्दा ऐ यां उनें गी कोई नेई परेसानी दा सामना करना पौन्दा ऐ तां ओह 1930 पर डायल करी सकदे न, ते ओह इनें अपराधें दी जानकारी साईवर क्राईम . गोव. इन पर करी सकदे न। प्रधानमंत्री होरें आक्खेआ जे इय्ये नेह जतनें ते सौहगा रौहने कन्ने डिजिटल सुरक्षा गी यकीनी बनाया जाई सकदा ऐ। अपने अज्ज आले सम्बोधन च प्रधानमंत्री होरें सोशल मीडिया पर आत्म निर्भर भारत ते नमिएं काहडे बारे गल्ला सांशियां करने लेई गलाया। उनें आक्खेआ जे इस त्यौहारें दे मौसम च असें गी खरीददारी करदे बैल्ले वोक्ल फार लोकल गी ध्यान च रक्खना लोडचदा। प्रधानमंत्री होरें अपने संबोधन च कैलीग्राफी दा बी जिक्र कीता। उने आक्खेआ जे अज्जकल जम्मू—कश्मीर च मुकामी संस्कृति गी लोकप्रिय बनाने आस्तै कैलीग्राफी दा इसतेमाल होआ र दा ऐ। उने अनंतनाग दे फिरदौसा बशीर दा जिक्र कीता जिनें गी कैलीग्राफी च महारत हासिल ऐ। उने इसदे राएं मुकामी संस्कृति दे बक्ख बक्ख पहलुए गी उजागर कीता ऐ। मोदी होरें आक्खेआ जे इस चाल्ली दे जतन उधमपुर दे गौरीनाथ होर बी करा र दे न। ओह इक सदी सोयां बी मती परानी सारंगी दे राएं डोगरा संस्कृति ते विरासत गी बजाने ते ओहदे संरक्षण च रुज्जे दे न। उने आक्खेआ जे पूरे देशै च ऐसी असाधारण प्रतिभा आले केई सारे लोक न जेडे अपनी प्रतिभा कन्नै मुकामी धरोहर दा संरक्षण करा र दे न। इन्दे इलावा बी प्रधानमंत्री होरें केई सारे पैहलुए ते विशे र गल्ल कीती। प्रधानमंत्री नरेन्द्र मोदी होरें इस बरे 31 अक्तूबर गी देयाली ते सरदार पटेल हुन्दी जयंती दा बी जिक्र कीता। उने आक्खेआ जे इक्के दिन दवै चीजां न ते इस री रन फॉर यूनिटी इस वरे 31 अक्तूबर दे बजाए 29 अक्तूबर गी आयोजित कीती जाग।। मोदी होरें मन की बात कार्यक्रम च धनतेरस, देयाली, छठ पूजा ते गुरुनानक जयंती दियां शुभकामना दितियां।

<><><><><><>

PM-Infantry Day

प्रधानमंत्री नरेन्द्र मोदी ते रक्षा मंत्री राजनाथ सिंह होरें अज्ज इनफैंट्री दिवस दे मौके पर भारतीय सेना दे सारे कर्मिं ते साबका फौजिं दे बेजोड़ साहस ते दलेरी दी सराहना कीती ऐ। सोशल मीडिया पोस्ट च प्रधानमंत्री मोदी होरें आखेआ जे पैदल सेना दे जुआन म्हेशां कुसै बी विपरीत स्थिति दा सामना करने आस्तै इढ़ संकल्प कन्नै खड़ोते दे रौहदे न ते मुख्य दी सुरक्षा गी जकीनी बनांदे न। रक्षा मंत्री सिंह होरें अपनियां शुभकामना दिंदे होई आखेआ जे एह मुख्य दी हिफाजत च महत्वपूर्ण भूमका नभांदे न। उनें इस गल्ला पर जोर पाया जे उंदा साहस, वीरता ते बलिदान सब्बने गी प्रेरित करदा ऐ।

<><><><><><>

LG Terrorism

उपराज्यपाल मनोज सिन्हा होरें आखेआ जे जम्मू कश्मीर च आतंकवादी चुनौती कन्नै निबड़ने लेई नमीं रणनीति तैआर कीती गई ऐ। हुमहामा एसटीसी च बीएसएफ रंगरूटें दी पासिंग आउट परेड गी संबोधत करदे होई उपराज्यपाल होरें आखेआ जे सरकार मजूद ते उपलब्ध संसाधने ते अपनी पूरी समर्थ कन्नै आतंकवादिं दे पूरे पराते तंत्र गी खत्म करने लेई वचनबद्ध ऐ। उनें आखेआ जे सरकार दी तरजीह बीएसएफ, सेना, पुलस ते होरने अर्जेसिं बश्कार नेड़मा तालमेल बनाने पर ऐ। श्री सिन्हा होरें आखेआ जे पाकिस्तान जम्मू कश्मीर च आतंकवादी गतिविधिं गी बढ़ावा देने ते उनेंगी अंजाम देने दिं नापाक कोशशां करा'रदा ऐ। उनें आखेआ जे सरकार ते सुरक्षाबलें दा मकसद आतंकवाद गी जड़ थमां खत्म करना ऐ ते ऐसा माहौल तैआर करना ऐ जित्थें नागरिक अपने सुखने ते आसे तांगें गी पूरा करी सकन। सिन्हा होरें आखेआ जे घाटी च जिन्ना बी मसूम लोकें दा खून बगाया गेदा ऐ ओहदी हर इक बूंद दा परता लैता जाग ते आतंकवाद दे पूरे पराते तंत्र गी खत्म करने आस्तै पूरी समर्थ दा इस्तेमाल कीता जाग।

<><><><><><>

Jitendra Singh

विज्ञान ते टेक्नोलाजी मैह्कमे दे केन्द्री मंत्री डाक्टर जीतेन्द्र सिंह होरें आखेआ ऐ जे 2035 तगर भारत दा अपना अंतरिक्ष केन्द्र होग जिसी भारती अंतरिक्ष स्टेशन दे नांS कन्नै जानेआ जाह्ग। कल नमीं दिल्ली च भारती अंतरिक्ष अनुसंधान संगठन – इसरो ते बायोटेक्नोलाजी सरबंधी विभाग बश्कार सैह्मती पत्तरै पर दस्तख्त कीते जाने दे मौके पर डाक्टर सिंह होरें एह घोषणा कीती। इस सैह्मति पत्तर दा मकसद जैविक-टेक्नोलाजी गी अंतरिक्ष सरबंधी टेक्नोलाजी दे कन्नै संगठित करना ऐ जेह्दे'नै देसै च साईंसी खेत्तर च नमिएं काह्दें आह्ले इक नमें जुगै दी शुरुआत होग। एह्दे अलावा सैह्मति पत्र च भारती अंतरिक्ष स्टेशन दी स्थापना ते बायो ई-3 यानि अर्थबवस्था, पर्यावरण ते रोजगार लेई जैविक टेक्नोलाजी सरबंधी नीति ज्नेही केई प्रमुख पैह्लकदमिएं दी रूपरेखा तैयार करने दी गल्ल आखी गई ऐ। डॉ. सिंह होरें आखेआ जे सार्वजनिक ते निजी सांझ-म्याली भारत दे अंतरिक्ष खेत्तर दे तेजिआ कन्नै विकास च मददगार रेई ऐ। उनें आखेआ जे अंतरिक्ष स्टार्टअप्स दी गिनतरी च बड़ा मता बाददा होआ ऐ ते तकरीबन 300 स्टार्टअप हून अंतरिक्ष सरबंधी अर्थबवस्था च जोगदान देआ करदे न।

<><><><><><>

Bomb Box

सरकार नै सोशल मीडिया मंच पर बम्ब होने दी झूठी धमकी पर काबू करने आस्तै इक परामर्ष जारी कीता ऐ। सरकार नै सोशल मीडिया दे माध्यम आली थाहर थमां झूठी धमकिएं गी फौरी तौर पर हटाने ते अधिकारिएं कन्नै सैह्योग करने दे निर्देश दित्ते न। इलेक्ट्रानिक ते सूचना तकनालोजी मंत्रालय नै इक ब्यानै च आखेआ ऐ जे सोशल मीडिया गी सूचना प्रौद्योगिकी अधिनियम 2000, सूचना प्रौद्योगिकी नियम 2021 ते भारतीय न्याय संहिता 2023 दा पालन करना लाजमी ऐ। मंत्रालय नै आखेआ ऐ जे सूचना प्रौद्योगिकी नियम 2021 तैह्त् बिजन चिर दे लोड़चदी गैह् पुट्टना सोशल मीडिया मंचे सनें सरबंधी घड़ेंद ी जिम्मेदारी ऐ। मंत्रालय नै आखेआ ऐ जे सोशल मीडिया दे मंचे दी जांच ते साइबर सुरक्षा जतनेंच सहायता प्रदान करने आस्तै 72 घैंटे दे अंदर अधिकृत सरकारी अजेंसिएं गी प्रासंगिक सूचना ते सहायता उपलब्ध करोआने दी लोड़ ऐ।

<><><><><><>